

այսինքն՝ պրոլետարիատի ու աշխատավոր զանգվածների ազատագրումը:

Բոլշևիկ-բանաստեղծը ջանք չէր խնայում, որ, ի հակադրություն անկումային գրականության, ժողովրդական զանգվածներին հրամցվի ոգեշունչ հեղափոխական գրականություն: Նա նշում է, որ պետք է «անգիտակից ու կիսագիտակից զանգվածներին դուրս բերել սիմվոլիստների, դեկադենտների, այդ նվվացող ու արտասովոր հիվանդ մարդկանց» ազդեցության տակից: «Զէ որ այդ պարոնները մասսաների վզին են փաթաթում իրենց անձնական-անհատական ապրումները և իրենց սուբյեկտիվ թոթովանքները ձգտում են վերածել պաշտամունքի: Ահա թե ում և ինչի դեմ պետք է պայքարել»⁷²: Պրոլետարական գրող Հ. Հակոբյանը հեղափոխության տեղատվության ժամանակ էլ մնաց բարիկադների վրա և ցուցաբերեց բոլշևիկյան հետևողականություն: Հ. Հակոբյանին դիպուկ է գնահատել Ա. Լոմաչարսկին. «Հակոբ Հակոբյանի ստեղծագործության մեջ հենց սկզբից ամենաօրիգինալն, իհարկե, այն էր, որ նա ոչ միայն հեղափոխական պոետ էր, հեղափոխական պոետներ հղել են և ուսուսական, և եվրոպական գրականության մեջ, այլև, որ նա սոցիալ-դեմոկրատ պոետ էր, այդ բառի այն ժամանակվա ամենալավագույն իմաստով, բոլշևիկ-պոետ, պրոլետարական պոետ»⁷³:

Հ. Հակոբյանի բարերար ազդեցությունը հայ գրականության վրա մեծ էր: Նրա հեղափոխական ուղիով զնաց հայ պրոլետարական գրամատուրգիայի հիմնադիր Անուշավան Վարդանյանը, որը դուրս էր եկել բանվորական միջավայրից և 1907 թ. մտել բոլշևիկյան կուսակցության մեջ: Հեղափոխական պաթոսով էր համակված տաղանդավոր բանաստեղծուհի Շ. Կուրդիյանի պոեզիան:

Ռեակցիայի տարիներին դադափարական սուր պայքար ծավալվեց նաև գրաքննադատության ու պատմագիտության ասպարեզում: Բոլշևիկները, մերկացնելով կղերաֆեոդալական ու բուրժուանացիոնալիստական մտահայեցողությունը, պայքարում էին մշակույթի բոլոր բնագավառներում և մասնավորապես հասարակագիտության մեջ մարքսիստական սկզբունքների կիրառման համար:

3. ԺՈՂՈՎՐԴԱԿԱՆ ՀՈՒԶՈՒՄՆԵՐԸ ԶԱՅԱՍՏԱՆՈՒՄ ՌԵԱԿՑԻԱՅԻ ՏԱՐԻՆԵՐԻՆ

Զնայած ռեակցիայի տարիներին հեղափոխական պայքարը ինչպես Ռուսաստանում, այնպես էլ Անդրկովկասում ու Հայաստանում՝ ընդհանուր առմամբ անկում ապրեց, բայց և այնպես այն բոլորովին չդադարեց, Այդ առթիվ Սո. Շահումյանը 1908 թ. գրել է. «Որքան էլ ուժեղ լինի ռեակցիան, նա չի կարող կանգնեցնել կյանքը և ժամանակակից կյանքի զլխավոր ներվը՝ դասակարգային պայքարը: Եվ այդ պայքարը երկաթյա անհրաժեշտությամբ պրոլետարիատին թելադրում է համախմբվել, կազմակերպվել»⁷⁴:

Ռեակցիայի տարիներին Հայաստանի աշխատավոր զանգվածների ելույթները հիմնականում ունեին տնտեսական բնույթ, բայց ըստ էության ուղղված

⁷² ՄԼԻ-ի ԿԿԱ, ֆ. 157, ց. 2, գ. 57, թ. 45:

⁷³ Апол Аполян, Новое утро, с предисловием Л. Луначарского, М.—Л., 1928, стр. 5.

⁷⁴ Սա. Շահումյան, Երկեր, հ. 2, էջ 91:

էին հունիսերեքյան ռեժիմի դեմ և հաճախ վերածվում էին զինված ընդհանրումներին:

1907 թ. երկրորդ կեսին դեռ շարունակվում էին ռուսական առաջին հեղափոխության արհմիջադարձային մարտերը, որից անմաս ըմնաց նաև Հայաստանի բանվորությունը: 1907 թ. հուլիսի 3-ին գործադու սկսվեց Երևանի տպարաններում ու կազմատներում: Գործադույվոր բանվորները ներկայացրին 15 կետից բաղկացած պահանջներ և ցուցաբերեցին այնպիսի հաստատակամություն, որ տները հարկադրված եղան զնալ դիվումներին և որոշ տեղեր սահմանել 9-ժամյա բանվորական օր ու աշխատավարձը բարձրացնել 20%-ով⁷⁵: Կովկասի փոխարքայության հատուկ բաժինը, այդ մասին զեկուցելով ռուսականության ղեկավարամենտին, գրում է. «Որպես այդ գործադուի առանձնահատկություն պետք է նշել այն, որ գործադու անող ձեռնարկությունների տները ոչ միայն համառ կերպով չէին ուզում ցույց տալ գործադուի նախաձեռնողներին կամ ագիտատորներին, այլև նույնիսկ նրանք մտադիր էին իշխանությունից թաքցնել գործադուի բուն փաստը, վախենալով գործադույվորների վրեժխնդրությունից»⁷⁶:

1907 թ. օգոստոսի 22-ից գործադու արին Երևանի ձիաբարչի ժառանգները⁷⁷: 1907 թ. սեպտեմբերի 17-ին Կարսում տեղի ունեցավ մասսայական ելույթ⁷⁸: 1908 թ. ապրիլի 29-ին գործադու արին Կարսի բերդի բանվորները (մոտ 200 մարդ): Նրանք, հավաքվելով կայազորի պետի շենքի մոտ, պատվիրակների միջոցով պահանջեցին բարձրացնել աշխատավարձը: Երեքօրյա պայքարից հետո օրավարձը 50 կոպեկից բարձրացվեց 80 կոպեկի: 1908 թ. հունիսի 11—13-ին գործադու արին բերդի 40 բանվորներ, որոնք պահանջում էին չխախտել պայմանագիրը և պահպանել նախատեսված աշխատաժամանակը⁷⁹:

Տնտեսական գործադուներ տեղի ունեցան նաև Ալեքսանդրապոլում: Կապալառու խան-Անուշյանների կարի արհեստանոցի բանվորների 1908 թ. գործադու-բողոքը տևեց տասն օր: Նույն թվականին գործադու հայտարարեցին Կարապետ Ափրիյանի տպարանի բանվորներն ու ժառանգները՝ պահանջելով ավելացնել աշխատավարձը: Նրանց համառությունը տպարանատիրոջը ստիպեց ավելացնել բանվորների վարձը:

Բանվորների հեղափոխական պայքարի ձևերից մեկը մայրվականներն էին, որոնք ռեակցիայի տարիներին կազմակերպվում էին անլեզալ, Բաբլից եկած բանվոր-բուլճերիկների անմիջական նախաձեռնությամբ 1909 թ. Ղափանի մայրվալում արտասանվեցին քաղաքական-հեղափոխական ճառեր:

Բանվորական շարժումներին հետևում էին գյուղացիական ելույթները: 1908 թ. Երևանի նահանգապետը զավառապետներից պահանջեց վճռական միջոցներ ձեռք առնել՝ «արգելելու ամեն մի գրավոր ու բանավոր ագիտացիա, որը նպատակ ունի բնակչությանը մղել դեպի ագրարային շարժում»⁸⁰:

75 ՏՃՍ ՍՍՀՄ ՀՀՍԿԳԱ, ֆ. «Ռուսականության ղեկավարամենտ», IV գործավարություն, 1907, գ. 87, մ. 2, թ. 13:

76 Նույն տեղում, թ. 14:

77 ՏՃՍ Նույն տեղում, թ. 15:

78 ՏՃՍ Նույն տեղում, գ. 27, մ. 2, թ. 2:

79 ՏՃՍ ՎՍՍՀ ԿԳԱ, ֆ. 3, գ. 123, թ. 1, 5:

80 ՀՍՀ ԿԳԱ, ֆ. 102, գ. 83, թ. 46:

Ռեակցիայի տարիներին Հայաստանում տեղի ունեցած ագրարային շարժումներից հատկապես նշանակալից էր Զանգեզուրի գյուղացիների զինված ելույթը, Աղբառուսթյան ու թշվառության հիւրաններում գտնվող գյուղացիները ուտքի ելան 1908 թ. ամռանը, նրանց ղեկավարում էին Ղափանի պղնձահանքերի բանվորները, որոնց մեջ աչքի ընկան նաև Բաշքենդ գյուղի բնակիչներ, հուլյն բանվորներ, Ֆրանկոպոլսերն ու Լոլոպոլսերները, նրանք հայ ու աղբառուսթյան բանվորների հետ միասին գյուղում ծավալեցին լայն ագիտացիա ու պրոպագանդա՝ կալվածատիրական հողերը բռնագրավելու համար, նրանք ասում էին. «Եթե կառավարությունը չի ուզում կալվածատերերից հողը խլել և մեզ՝ գյուղացիների՝ հանձնել, ապա մենք պետք է ինքներս ուժով վերցնենք այն», «Եկեք միանանք և դուրս բերեք ինչպես կալվածատերերին, այնպես էլ ոստիկանական շինովնիկներին»⁸¹:

Գյուղացիները համախմբվում էին և հող պահանջում: Մինչդեռ կապիտալիստ-կալվածատեր Կոնդուրովը ոստիկանության օգնությամբ 1908 թ. հուլիսի 30-ին հարձակվում է Բաշքենդ գյուղի վրա և փորձում շարժումը խեղդել բնում: Այդ ժամանակ ոչ միայն ուտքի է ելնում ողջ Բաշքենդը, այլև շրջակա հանրերից ու գյուղերից զեպքի վայրն են շարժվում հարյուրավոր գյուղացիներ՝ զինված դաշույններով, մահակներով, երկաթե ձողերով: Միայն ոստիկանական լրացուցիչ ուժերի օգնությամբ է հաջողվում մի կերպ ահանգստացնել նրանց և ձերբակալել շարժման ղեկավարներին: Այդ առթիվ պրիստավ Խան-Խոյսկին Զանգեզուրի գավառապետին գրած իր զեկուցագրում հայտնում էր. «Ինձ հաղիվ հաջողվեց հանդարտացնել խռովարար գյուղացիներին և եթե վերահիշյալ անձնավորությունները նորից երևան գան ինձ վստահված տեղում, ապա ես ի վիճակի լեմ լինի պատասխանատու լինել տեղամասի համար քաղաքական տեսակետից, ուստի և խնդրում եմ կարգադրություն՝ նրանց արտաքսելու ինձ վստահված տեղամասից կամ Անդրկովկասի երկրամասից և նրանց ենթարկել օրինական պատասխանատվության»⁸²:

Ապստամբության ձերբակալված ղեկավարները երկար ժամանակ գանահեծվում էին Գորիսի ու Գանձակի բանտերում, իսկ վերջն էլ մահ գտնում Բիֆլիսի Մետեխի բանտում:

Ղափանում ծավալված ագրարային այս շարժումը բնորոշ է թե՛ իր մասնաայական բնույթով և թե՛ բանվորների ու գյուղացիների համագործակցությամբ:

Գյուղացիական հուզումներն ուժեղ էին նաև Սրեանի, Էջմիածնի, Նոր Բայազետի գավառներում: 1907—1909 թթ. Զառ գյուղի մուլթազարներն անընդհատ բողոքում էին ցարական իշխանություններին, որ գյուղացիները կամայականորեն և նույնիսկ ուժով հրաժարվում են իրենց պարտականությունները կատարելուց, հատկապես մուլթա տալուց: Ավելին, Էջմիածնի և Թալինի շրջանների մի քանի գյուղերում եղել են կալվածատիրական հողերի բռնագրավումներ⁸³:

Հեղափոխական հուզումներ տեղի ունեցան Հայաստանի քաղաքների կա-

81 Մի-ի Հայկական մասնաշրջի արխիվ, ֆ. 34, գ. 6, թ. 76:

82 ՎՍՍՀ ԿԳՊԱ, Թիֆլիսի դատական պալատ, 1908—1909., ֆ. 23, գ. 753, թ. 22:

83 ՏՆՍ ՎՍՍՀ ԿԳՊԱ, ֆ. 2, ց. 404, թ. 75—77:

յազորների ու դանազան վայրերում տեղավորված զորքերի մեջ, հատկապես 1907 թ. Կարսի կայազորում⁸⁴,

Ռեակցիայի տարիներին եղան նաև աշակերտական-ուսանողական ելույթները Առանձնապես համախալի էին հուլումները էջմիածնի Գևորգյան ճեմարանում: Դրանք բռնկվում էին ամենատարբեր առիթներով, բայց բոլոր դեպքերում ուղղված էին տիրող դաժան ռեժիմի, ուսուցման սխալատիկ սխտեմի և կրոնական զաղափարախոսության դեմ: Ծեմարանի մանկավարժական խորհրդի 1909 թ. ապրիլի 14-ի նիստի արձանագրության մեջ մատնանշվում է 15 աշակերտների հանդուգն ելույթի և անհնազանդության մասին⁸⁵: էջմիածնում տիրող հեղձուցիչ միջավայրի մասին է վկայում Կոմիտասի 1909 թ. սեպտեմբերի 5-ի նամակը. «Քսան տարվա ընթացքում շրջապատն ինձ թույլ չի տվել այն անելու, ինչ կարող էի, որովհետև տեսա միայն որոգայթ և ոչ արդարություն, նյարդերս թուլացել են, այլևս տոկալու ճար ու հնար չունեմ: Որոշում եմ հանգիստ, չեմ գտնում, ծարավի եմ աղնիվ աշխատանքի, խանդավառվում եմ, փափագում եմ հեռու մնալ, խցել ականջներս շսելու համար, գոցել աչքերս շտանկելու համար, բայց դի մարդ եմ, չեմ կարողանում»⁸⁶:

Կոմիտասը հարկադրված 1910 թ. աշնանը թողնց էջմիածինը ու մեկնեց Պոլիս:

Աշակերտական հուլումներ տեղի ունեցան Երևանի թեմական դպրոցում ու արական գիմնազիայում: Առանձնապես լայն չափեր ընդունեց Երևանի թեմական դպրոցում 1908 թ. նոյեմբերին բորբոքված աշակերտական շարժումը, որը շարունակվեց մինչև 1909 թ. հունվարը: Աշակերտները մասսայաբար դուրս եկան դպրոցում հաստատված ռեժիմի դեմ և պահանջեցին հեռացնել դպրոցի դաշնակցական տեսուչ Տիգրան Աղամալյանին: Դպրոցի հոգաբարձուի մասին ուղղված բողոքում գրված էր. «Աշակերտությունը վճռեց այլևս չհամարել այ. Աղամալյանի դասերին և դիմել Չեչ հեռացնել նրան ուսուցչության և տեսչության պաշտոնավարությունից մինչև զեկտեմբերի մեկը: Հապառակ դեպքում ստիպված կլինենք դասադուլով պաշտպանել մեր իրավունքները»⁸⁷: Դպրոցի հոգաբարձությունն ամեն կերպ պաշտպանում էր տեսչին և փորձում «խաղաղեցնել» աշակերտներին: Տեսնելով, որ դեպքերն այլ ընթացք են ստանում, որոշվում է դիմել պատժիչ միջոցների և դպրոցից արձակվում են քարձր դասարանների աշակերտները: Դա առաջ է բերում հասարակության դժգոհությունը: Դպրոցի ղեկավարությունը ստիպված ետ է ընդունում աշակերտներին և հարկադրված աշխատանքից ազատում Տ. Աղամալյանին:

Աշակերտական-ուսանողական ելույթներն ավելի ուժեղ էին Բաքվում ու Քիֆիսում: Կովկասում ծավալված այդ շարժումը հասավ այնպիսի աստիճանի, որ Երրորդ պետական դումայի աջ ղեկուսատները ցարական կառավարության առաջ հարցապնդում արին, թե ինչ միջոցներ են ձեռք առնվում Կովկասի ուսումնական հաստատություններում բորբոքված հեղափոխական ելույթները ճնշելու համար⁸⁸:

84 Տե՛ս ՍՍՀՄ ԿՊՌՊԱ, ֆ. 1, ց. 2, գ. 687, ք. 9—11:

85 Մատենադարան, Գևորգյան ճեմարանի ֆոնդ, թղթ. 27, վավ. 8, ք. 32:

86 Մ. Վ. Արզումանյան, Ելված աշխ., էջ 249:

87 Առ, Պատմություն Երևանի Հայոց թեմական հոգևոր դպրոցի, Քիֆիս, 1914, էջ 535:

88 «Հայրենիք», 18 մայիսի 1908 թ.:

Անդրկովկասի և Հայաստանի աշխատավորությունը ռեակցիայի տարիներին հսկայական օգնություն կազմակերպեց պարսկական հեղափոխությանը՝ Պարսիկ բանվորները, որոնք ապրուստ հայթայթելու համար եկել էին Անդրկովկաս, ձեռք էին բերում հեղափոխական պայքարի փորձ և դաստիարակվում պրոլետարական ինտերնացիոնալիզմի ոգով, Նրանց թիվը բավականաչափ զգալի էր Ալավերդու, Ղափանի պղնձահանքերում, ինչպես նաև Հայաստանի արդյունաբերական մյուս ձեռնարկություններում։ Պարսկական հեղափոխության ականավոր գործիչ, ժողովրդական հերոս Սատթար խանը մի շարք տարիներ աշխատել էր Անդրկովկասում՝ Նրևանի երկաթգծի շինարարությունում, Բաքվի նավթահանքերում և ձեռք բերել քաղաքական կոփվածություն։

Անդրկովկասի աշխատավորության օգնությունը ծավալվում է պարսկական հեղափոխության համարյա հենց սկզբից։ Դեռ 1906 թ. հոկտեմբերին Քեհրանի ցարական դեսպան Հարութիդը Կովկասի Ռազմական օկրուգին տված իր հեռագրում նշում է. «Շահական կառավարության կողմից ստացվել են շափաղանց տազնապալից լուրեր այն դերի մասին, որ աղբյուրանական իրադարձություններում խաղում են Կովկասի հեղափոխականները, որոնք մշտական հարաբերությունների մեջ են թավրիղեցիների հետ, այցելում են Սատթար խանին, մատակարարելով նրան բոլոր միջոցները՝ կառավարության դեմ պայքարը շարունակելու համար»⁸⁹։

Բուլշևիկյան մամուլը լայնորեն լուսաբանել է պարսկական հեղափոխության հարցերը և մասսաներին մղել հետագա պայքարի։ Հեղափոխության նպատակների մասին ճշմարիտ խոսքի տարածումն ուներ կարևոր նշանակություն ինչպես Կովկասում, այնպես էլ Պարսկաստանում։ Այդ բանը լավ հասկացան նաև Պարսկաստանի սոցիալ-դեմոկրատները, որոնք օգնության դիմեցին Անդրկովկասի բուլշևիկներին։ Կովկասի փոխարքայի պաշտոնակատարը 1908 թ. սեպտեմբերի 14-ի իր շրջաբերականում՝ ուղղված նահանգապետներին, գրում է. «Ինձ հասած տեղեկությունների համաձայն պարսկական հեղափոխական կուսակցությունը Կովկաս է ուղարկել մի քանի էմիսարներ՝ ազիտատոր-մարտիկներ հավաքագրելու համար, որոնք պետք է դնան քաղ. թավրիզ, որպեսզի աջակցեն հեղափոխական պրոպագանդային՝ պարսկական կառավարության դեմ ապստամբությունն ուժեղացնելու համար։ Ստանալով այդ շրջաբերականը, Նրևանի նահանգապետն այն ուղարկում է գավառապետներին և զգուշացնում. «Ձեռք առնել ամենանոսանդուն միջոցառումներն այդ բանը թույլ չտալու համար»⁹⁰։

Անդրկովկասի բուլշևիկները Պարսկաստան ուղարկեցին հմուտ ու քաջարի հեղափոխականներ, անկապ զրականություն, թուրքիկներ, տալադրական սարքավորում և այլն։ Առանձնապես մեծ աշխատանք կատարեցին Գ. Օրբոնիկի-ձեն, Ա. Աղիզբեկովը, Պ. Զափարիձեն, Ն. Նարիմանովը և ուրիշներ։ Բուլշևիկները լայնորեն աջակցում էին պարսկական հեղափոխականներին՝ ստեղծելու իրենց մասսայական կազմակերպությունները (մուջահիդներ), որոնք տարածում գտան նաև Անդրկովկասում։ Կովկասում մուջահիդները համախմբում էին պարսկական հեղափոխականներին, զբաղվում միջոցների ու զինքի հայթայթմամբ ու առաքմամբ, զրականության տարածմամբ, կամավորների ջոկատների ստեղծմամբ։

⁸⁹ Աղբյուրական ՍՍՀ ԿԳՊԱ, ֆ. 132, գ. 13, թ. 161։

⁹⁰ ՍՍՀ ԿԳՊԱ, ֆ. 102, գ. 83, թ. 120։

Այդպիսի կազմակերպությունների ստեղծվեցին նաև Հայաստանում, 1908 թ. հունիսին Երևանի նահանգական ժանդարմական վարչության պետը իր զեկուցագրում հաղորդում է, որ մուշահիդների կազմակերպություններ կան Երևանում ու Կարսում⁹¹, Բորչալուի բուլշևիկյան կազմակերպության շանքերով Ալ. Բալա կայարանում կազմակերպվեց ռուսների զաղտնի արտադրություն: Այդ մասին հին բուլշևիկ Ա. Կախոյանը գրել է: «Ընդհատակի աշխատանքներից մեկն էլ այն էր, որ Պարսկաստանի հեղափոխականներին օգնելու համար Ախթալա կայարանի դեմաց մի զինվածաուժի խանութի զլխի սենյակում ռուսներ էինք պատրաստում: Արդեն մի քանի տասնյակ պատրաստել էինք ու հետագայում փոխադրել Քիֆլիս, Առաքել Օկոյաշվիլու մոտ»⁹²: Ալեքսանդրապոլի զավառապետը Երևանի նահանգապետին 1909 թ. փետրվարի 6-ին գրում էր, որ մի քանի պարսկահայատականներ, ինչպես նաև տեղական բնակիչներ, կապվել են հրետանային դիվիզիայի շտաբի շարքային զինվորների հետ, որպեսզի զենք զենեկ պարսկական հեղափոխականների համար⁹³, Երևանի նահանգական ժանդարմական վարչության պետը 1908 թ. սեպտեմբերի 2-ին Քիֆլիս ուղարկած իր զեկուցագրում նշում էր, որ Բաքվից Երևան է ուղարկվել շրտս պարկ բրիգադ, որի մեջ հայտնաբերվել է 2800 մարտական փամփուշտ՝ Պարսկաստան ուղարկելու նպատակով⁹⁴:

Հենքի փոխադրումը կատարվում էր ռուս-պարսկական սահմանագծի տարբեր կետերով, բայց առավել մեծ շահերով Զուղայի վրայով: Կովկասյան պահպանողական բաժանմունքը 1911 թ. փետրվարին փոխարքայի գրասենյակից զեկուցում էր, որ Զուղայում լաստից (գետանցից) կես վերստ բարձր գիշերները ռուսական կողմից պարսկական կողմն են փոխադրվում հեղափոխականներ՝ առանց անձնագրերի, ինչպես նաև զենք ու փամփուշտներ: Զինամթերքները հետագա փոխարդման համար կենտրոնացվում են հայկական Դարաշի գյուղում՝ եկեղեցում⁹⁵:

Անդրկովկասի բուլշևիկները Պարսկաստան ուղարկեցին նաև զինված ջոկատներ՝ կազմված տարբեր ազգերի բանվորներից ու գյուղացիներից: Հեղափոխական մարտերի անմիջական մասնակից Մուխտար Աղիմ Զազեն պատմում էր, որ իրենց ջոկատում կային պարսիկներ, ազրբեջանցիներ, վրացիներ ու հայեր, ընդամենը 300—350 մարդ: Նույնիսկ կազմակերպվում էին առանձին հայկական ջոկատներ, որոնք, անցնելով սահմանագիծը, կոչվում էին պարսկական հեղափոխականների հետ միասին: Երևանի նահանգապետը 1909 թ. ապրիլի 6-ին Սուրմալուի զավառապետին գրում էր. «Եղած տեղեկությունների համաձայն տեղերում կազմակերպվում են հայերի ջոկատներ, որոնք ուզում են անցնել սահմանը, որպեսզի մտնեն պարսկական հեղափոխականների շարքերը» և կարգադրում է ամենախիստ միջոցներ ձեռք առնել նման զենքերը տեղեկատվող կանխելու համար⁹⁶:

Անդրկովկասի բուլշևիկները պարսկական հեղափոխության օգնելու համար հաղթահարում էին ցարական իշխանությունների հարուցած դժվարու-

91 ՏՃ՝ ՎՍՍՀ ԿԳՊԱ, ֆ. 3, գ. 78, թ. 50:

92 Ա. Կախոյան, Հեղվածներ և հուշեր, Երևան, 1963, էջ 72—73:

93 ՆՍՍՀ ԿԳՊԱ, ֆ. 101, ց. 1, գ. 81, թ. 8:

94 ՏՃ՝ ՎՍՍՀ ԿԳՊԱ, ֆ. 3, գ. 100, 1908 թ., 248:

95 ՏՃ՝ Նույն տեղում, ֆ. 3, գ. 519, թ. 33:

96 ՆՍՍՀ ԿԳՊԱ, ֆ. 115, գ. 2, թ. 28:

թյունները՝ Միաժամանակ նրանք ժողովրդական դանդաղացիներին պարզաբանում էին պարսկական հեղափոխության բնույթը 1911 թ. բոլշևիկյան «Նոր խոսքում» տպագրվեց Հ. Կարախանյանի «Պարսկաստան» հոդվածը, որտեղ նա մերկացնում է օտարերկրյա իմպերիալիզմի գաղութատիրական քաղաքականությունն այդ երկրում և ցույց տալիս, որ պարսկական ժողովուրդը ապրում է զարթոնք, պայքարում իր անկախության համար:

Պարսկական հեղափոխության մասին դասախոսություններ ու զրույցներ են կազմակերպվում Հայաստանի տարբեր վայրերում: Այդպիսի մի զեկուցում կարգացվեց էջմիածնի ճեմարանի աշակերտների նախաձեռնությամբ, որտեղ «դասախոսը (աշակերտներից մեկը) կանգնած էր մատերիալիստական հայեցակետի վրա» և աշխատում էր ցույց տալ, որ ավատականության դեմ ուղղված պարսկական հեղափոխությունը երկրում տիրող սոցիալ-տնտեսական ու քաղաքական պայմանների արդյունք է:

Ռուսական առաջին հեղափոխության ազդեցության տակ բորբոքված պարսկական հեղափոխությունն իր հերթին նպաստեց Անդրկովկասի ու Պարսկաստանի աշխատավոր ժողովուրդների ինտերնացիոնալ կապերին՝ բռնակալության դեմ մղվող պայքարում:

Ռեակցիայի տարիներին Ազրբեջանի, Վրաստանի ու Հայաստանի բանվորներն ու գյուղացիները, դեմոկրատական խավերը, հաղթահարելով բազմաթիվ դժվարություններ, գնում էին դեպի նոր գոտեմարտեր: Պատահական չէ, որ դեռ 1908 թ. աջերը նրորդ պետական դամայում բողոքում էին, որ Կովկասում. «անկարգությունները» ոչ միայն չեն դադարել, այլև ծավալվել են ու «ստացել բացառապես հեղափոխական բնույթ»⁹⁷, Ցարական պաշտոնական թերթերից մեկն ուղղակի ազդարարում էր, որ Կովկասը՝ Ռուսաստանի այդ թանկագին ադամանդը, ձեռքից գնում է, որովհետև այնտեղ չի դադարել հեղափոխական շարժումը, և «նա ապստամբության նախօրյակին է»⁹⁸:

⁹⁷ «Слово», 2 апреля 1908 г.

⁹⁸ «Новое время», 20 марта 1908 г.